

Na osnovu Zakona o pozorišnoj djelatnosti (Službene novine KS br.42/13 i 06/16) i Pravila Javne ustanove "Sarajevski ratni teatar SARTR" (br.04-223/16), Upravni odbor JU "Sarajevski ratni teatar SARTR" na sjednici održanoj 21.11.2022. godine donosi

PRAVILNIK

o uslovima sklapanja sporazuma o poslovno - tehničkoj saradnji za korištenje resursa JU "Sarajevski ratni teatar SARTR"

Član 1.

(Predmet Pravilnika)

- (1) Ovim Pravilnikom se propisuju uslovi i postupci za korištenje, na određeno vrijeme, resursa JU "Sarajevski ratni teatar SARTR" (u daljem tekstu Teatar), od strane zainteresovanih institucija i organizacija iz oblasti kulture i javnog djelovanja.
- (2) Sporazumom o poslovno - tehničkoj saradnji definiraće se obaveze Teatra u pružanju tehničke i kadrovske podrške za korištenje resursa.
- (3) Bilo koji Sporazum o poslovno - tehničkoj saradnji neće ugroziti planirane aktivnosti Teatra.

Član 2.

(Sporazum o poslovno - tehničkoj saradnji)

- (1) Teatar zaključuje Sporazum o poslovno - tehničkoj saradnji (u daljem tekstu Sporazum) sa korisnikom resursa (u daljem tekstu Korisnik) sa institucijom, odnosno organizacijom koja ima svojstvo pravnog lica.
- (2) Prije potpisivanja Sporazuma, Korisnik će Teatru predložiti projekat, u sklopu kojeg će se koristiti resursi Teatra, čiji programski sadržaj promovise umjetnost, kulturu, obrazovanje, društveni aktivizam.
- (3) Odredbama ovog Pravilnika nije obuhvaćena poslovna saradnja sa pravnim licima u cilju zaključivanja ugovora za gostovanja, ugovora o koprodukciji i ugovora o umjetničkoj saradnji.

Član 3.

(Sadržaj Sporazuma)

- (1) Sporazum se zaključuje u pisanom obliku i na određeno vrijeme.

(2) Sporazum, između ostalog sadrži:

- a) strane koje potpisuju Sporazum (Teatar i Korisnik),
 - b) opis projekta, odnosno manifestacije koji su predmet Sporazuma,
 - c) cijenu i način plaćanja,
 - d) obaveze Teatra vezano za realizaciju projekta, odnosno korištenje resursa (tehnička, kadrovska podrška i dr.),
 - e) obaveze Korisnika,
 - f) trajanje korištenja resursa,
 - g) izmirenje eventualno nastale štete prilikom korištenja resursa,
 - h) odredbe o prestanku Sporazuma,
 - i) odredbe o rješavanju sporova,
 - j) elementi ugovora kojim se definišu autorska i ostala prava učesnika projekta ili manifestacije koji su predmet Sporazuma.
- (3) Direktor Teatra izvještava Upravni odbor o zaključenom Sporazumu sa osnovnim elementima istoga.
- (4) Za sporazume čija vrijednost prelazi iznos od 5000, 00 KM neophodna je saglasnost Upravnog odbora, za zaključenje istog.

Član 4.

(Cijena korištenja resursa)

- (1) Prilikom određivanja cijene za korištenje resursa vodiće se računa da cijena ne smije biti niža od troškova koji će nastati tokom realizacije projekta.
- (2) Konačna cijena će se utvrditi uspoređujući cijene za slične projekte u okruženju.
- (3) Konačnu cijenu za svaki Sporazum odrediće Direktor Teatra uz konsultacije saradnika iz Teatra, vodeći prije svega računa o interesima Teatra.

Član 5.

(Korištenje resursa bez naknade)

Teatar može ustupiti resurse bez naknade u sljedećim slučajevima:

- a) manifestacije u organizaciji osnivača, Vlade Kantona Sarajevo,
- b) za održavanje Internacionalnog teatarskog festivala MESS,

- c) manifestacije u organizaciji državnih organa Bosne i Hercegovine i Federacije Bosne i Hercegovine.

Član 6.

(Raskid Sporazuma)

Teatar može jednostrano raskinuti Sporazum ukoliko Korisnik:

- a) ne ispuní obaveze ili prekrši odredbe Sporazuma,
- b) otkaže realizaciju projekta/manifestacije usljed nepredviđenih okolnosti,
- c) nanosi štetu Teatru u vidu negativnog istupa u medijima,
- d) vrši zloupotrebu marketinških prostora Teatra.

Član 7.

(Obaveze Korisnika)

Korisnik je dužan pridržavati se kućnog reda za vrijeme realizacije projekta i u potpunosti se pridržavati rasporeda rada u Teatru.

Član 8.

(Stupanje na snagu)

Ovaj Pravilnik stupa na snagu danom donošenja i objaviće se na web stranici Teatra i oglasnoj tabli Teatra.

Broj: 04-46-05-UO/22

Sarajevo, 21.11.2022. godine